

IONTATIATATAASTHA.

Se8enniio tsi iakionnhe, konhiennitentase, * takiten niha tsini satennitenraskon.

Iahtaontaieri8asaate tsini sanikonhriio, * ne se karihonnis sekon non8a konniahesen.

Ak8a tokenske 8akeri8anerahakskon, * sasanikonhrhen niha tsini konnikonhraksaton.

Onen keriaienteristsihon tsini 8akeri8annhikon, * iahte 8atons skennen aonsakennontonnion.

Iahte sanekherens tsini 8akeri8aneren, * iken tiotkon teskanere othenon nikatieranions.

Ak8a oni kari8anerenke onk8e 8akatonhon, * ne se karihonnis asteson katatkenronnis.

Takitenr, Se8enniio, askiatohare niha, * nok enkkenni noniete tsinenkiatakenratane.

Heren niha asatkarenrako, * esotsi ione8arat tsini konk8etaksen.

Satsianerenst niha akatonnhetston kenha, * tsini saierenne saonknekosera8e.

Tosa non8enton takiatonti, * tiotkon tennon takatsterist.

Enseskion8eskaten, Se8enniio, * akenikonhrake enseri8ahnirate kari8iio.

Ethone ak8a skennen enskennontonnion, * aseken iahtenseskiatasenseke.

Skari8at ok iesanikonhraie8entotha, * tsi iakonikonhron8aks tsini iakori8aneren.

Takitenr kati, Se8enniio, * ne tiotkon katstarak8a tsini konnikonhraksaton.

Ak8a tekatonnhakarias non8entsiake, * toha onte oni aontokten tsi konnhe.

Aonhaa 8akeriios tsini 8akeri8aneren, * ketsanis tiotkon enskat ehnaonsonkiata8en.

Ionehrak8at tsinatkaterientakari, * oh se nonnakiere naonsakonnikonhraseronni.

Ne kati karihonnis tiotkon konhiatisaks, * iahte katorisens tsi konhiennitentase.

Tiotkon katiken, Se8enniio, enske8ennonti, * iah ken taonton askatkatho ne nostonha oni.

Kari8aneren iotiesaton tsi konnhek8e, * karonhiakenhon ok non8a tsiotatenron.

A
kra:
S
kon
A
ko8

=

—
—
—

K

—
—
—

s8

—
—
—

† H

—
—
—

∇ S

—
—
—

k8-

—
—
—

k+

—
—
—

—
—
—

+